

**Talamdan sa  
Mga Mensahe alang sa Full-time Training  
sa Spring Term sa 2026**

-----

**LINANGKOB NGA HISGOTANAN:  
ANG MAHINUNG DANONG MGA PUNTO SA KAMATUORAN SA MGA SULAT NI PABLO—  
UNA UG IKADUHANG TESALONICA**

Mensahe 8

**Ang Panginahanglan nga Motubo ang Atong Pagtuo sa Hilabihan Gyod  
ug ang Panginahanglan nga Magkadako ang Paghigugma Nato sa Usag Usa**

Basahong Kasulatan: 2 Tes. 1:3; Heb. 11:1, 5-6; 3:7-8a, 12-13, 15a; 4:7

**I. Gidayeg ni Pablo ang mga taga-Tesalonica sa pagsulti kanila nga “nagtubo ang inyong pagtuo sa hilabihan gyod ug nagkadako ang paghigugma sa tagsatagsa ninyong tanan sa usag usa” (2 Tes. 1:3); ang pagtuo ug gugma duha ka dili mabulag, maayo kaayong kagawian sa mga magtutuo ni Cristo (1 Tim. 1:14; 2 Tim. 1:13; Gal. 5:6):**

- A. Alang sa pagtamod, pagpatinuod, ug pagdawat sa walay kinutobang kadato sa Tulo-usang Dios ang pagtuo—Heb. 11:1; Juan 1:12; Efe. 3:16-17a:
1. Gihatag sa Dios kanato ang pagtuo aron pinaagi niini madawat nato si Cristo, ang pagkalawas sa Tulo-usang Dios, ug sa ingon niana makasulod ta sa Tulo-usang Dios ug madugtong Niya, makabaton Niya nga atong kinabuhi, sangkap sa kinabuhi, ug tanan—2 Ped. 1:1.
  2. Sa pagtuo nato sa Ginoo, nadawat nato ang pagpasaylo sa mga sala ug ang kinabuhing walay kataposan—Buh. 10:43; Juan 3:16.
  3. Sa dihang nituo ta sa Ginoo, nituo ta *ngadto* Niya—v. 15:
    - a. Sa pagtuo nato Kaniya, nisulod ta Niya aron mausa Niya, moambit Niya, ug mosalmot sa tanang nahuman Niya alang nato..
    - b. Sa pagtuo nato Kaniya, nausa ta Niya sa tanan Niyang pagkamao ug sa tanan Niyang naagian, nahuman, nakab-ot, ug nabatonan—1 Cor. 1:30; Efe. 2:5-6; Col. 3:1.
- B. Alang sa pagsinati, pagpahimulos, ug pagkinabuhi sa dili masukod nga datong Tulo-usang Dios ang gugma—Mar. 12:30:
1. Lugwa sa pagtuo ang gugma ug makapakinabuhi nato sa tanang kadato sa Tulo-usang Dios diha ni Cristo uban sa mga nanuo ngadto ni Cristo uban nato aron makabaton ang Tulo-usang Dios og mahimayaong hiniusang pagpadayag—Efe. 3:19-21.
  2. Ang gugma aron man makapangalagad ug makapalatay ang mga magtutuo sa Tulo-usang Dios ngadto sa ilang mga isigka-magtutuo aron maghigugmaay sa usag usa ang tanang magtutuo pinaagi sa diosnon, labaw-sa-tanan nga gugma ug magkinabuhi sa hiniusang kinabuhi diha ni Cristo—Rom. 12:4-5, 10.

**II. Motubo ang atong pagtuo sa pagkadungog nato sa pulong ug sa pagtutok ngadto ni Jesus:**

- A. Matod pa sa Roma 10:17, naggikan sa pagkadungog sa pulong ang pagtuo; ang tinubdan sa pagtuo mao ang pulong, ug dunay tulo ka aspeto ang pulong:
1. Ang nasulat nga pulong sa Dios mao ang Biblia—Juan 10:35; 5:39-40.
  2. Ang buhing pulong sa Dios mao si Cristo—1:1; Bug. 19:13.
  3. Ang giaplikar nga pulong sa Dios mao ang Espiritu—Efe. 6:17; Juan 6:63.
  4. Sa konklusyon, moabot kanato ug motubo sa atong sulod ang pagtuo gumikan sa pagkadungog nato sa giaplikar nga pulong sa Espiritu pinaagi sa buhi nga Cristo gikan sa

nasulat nga pulong sa Biblia; ang pagtuo mao ang subjectibong Dios nga giaplikar sa atong pagkatawo.

B. Motubo ang atong pagtuo sa mapadayonong pagtutok nato ngadto ni Jesus, nga mao ang Mag-uugda ug Maghilingpit sa atong pagtuo—Heb. 12:2:

1. Ang Griyegong pulong nga gihubad og "*motutok ngadto*" nagpasabot og pagtan-aw nga wala gyoy laing gitan-aw pinaagi sa paglingiw sa tanang ubang butang ug sa tanang makapasimang nga butang; inigtutok nato ni Jesus, palatayan ta Niya nga Espiritung taghatag-og-kinabuhi (1 Cor. 15:45) sa Iyang Kaugalingon, lakip na sa Iyang elemento sa pagtuo, aron motuo Siya alang nato; busa, Siya mismo ang atong pagtuo (Gal. 2:20; Rom. 3:22; itandi sa Luc. 10:38-42).
2. Isip Mag-uugda ug tinubdan sa pagtuo, si Jesus sab ang Lider, ang Magbubukas, ug Mag-uuna sa pagtuo; sa magbatasan ta nga motutok Niya nga Tigsugod sa pagtuo diha sa Iyang kinabuhi ug sa Iyang ginawian dinhi sa yuta, ug isip Maghilingpit sa pagtuo diha sa Iyang himaya ug sa Iyang trono sa langit, palatayan ug patuhopan man ngani ta Niya sa pagtuo nga Iyang gisugdan sa sulod nato aron humanon ug kompletohon ang pagtuong gikinahanglan nato sa pagdagan sa langitnong lumba—vv. 1-2; 2 Cor. 4:13; 1 Cor. 9:24; Fil. 3:14.

**III. Nagkadako ang paghigugma nato sa Ginoo ug sa usag usa sa mapadayonon tang mamati sa Iyang tingog ug hugot gyong mokupot Niya (Deut. 30:19-20) ug isip Iyang "mga gitagoan," nagtago ta sa tagoanan sa Iyang presensya ingon nga Dios nga nagtago sa Iyang Kaugalingon (Sal. 83:3; 31:20; Isa. 45:15):**

- A. Aron mapadayonong magkadako ang paghigugma nato sa Ginoo ug sa usag usa, magpabilin gyod ta diha sa walay kataposang gugma sa Dios, ug magpapugong sa gugma ni Cristo aron magkinabuhi ta ngadto Niya—Jer. 31:3; Jud. 19-21; 2 Cor. 5:14-15
- B. "Nahigugma ta kay Siya may unang nahigugma nato" (1 Juan 4:19); unang nahigugma ang Dios kanato kay gipatuhopan man ta Niya sa Iyang gugma ug gipahimugso sa sulod nato ang gugmang gihigugma nato Niya ug sa mga igsoon (vv. 20-21).
- C. Mogugol gyod tang tanan og igong personal nga panahon uban sa Ginoo sa tago aron makapuyo ta sa tinagong dapit sa Labing Taas Uyamot, nga dunay personal, mabination, pribado, ug espirituhanong pakig-ambitay Niya diha sa atong espiritu; sa ingon niini mapuno ta sa Iyang mahigugmaong pagkamao aron makaatiman Siya sa uban pinaagi nato ug mapuno ta sa Iyang nagsidlak nga elemento aron makita Siya sa uban dinhi nato—Sal. 91:1; A. A. 1:1-4; Juan 4:24; Luc. 15:20; Mat. 6:6; 5:15-16.

**IV. Nagpasabot ang pagtuo nga nituo ta nga ang Dios mao ug dili kitay mao—Heb. 11:5-6, 1-2; 2 Cor. 4:13, 16-18:**

- A. Kon walay pagtuo imposible gyong makapahimuot ta sa Dios, makalipay sa Dios—Heb. 11:6a.
- B. Ang pagtuo nga ang Dios mao, pagtuo man nga Siya maoy tanan nato ug balewala ta—Juan 8:58; Eccl. 1:2.
- C. Ang pagtuo nga ang Dios mao nagpasabot nga dili kitay mao; Siya ra gyod ang bugtong Usa, ang bugtong-talagsaong Usa, sa tanan, ug balewala gyod ta sa tanan—Gen. 5:24; Heb. 11:5.
- D. Ang pagtuo nga ang Dios mao, pagdumili man sa atong kaugalingon; sa tibuok uniberso Siyay mao, ug balewala tang tanan—Luc. 9:23.
- E. Dili gyod unta ko mahimong bisan unsa; dili gyod unta ko maanaa; Siya ra gyod unta ang maanaa—"dili na ako ang nabuhi, kondili si Cristo"—Gal. 2:20.
- F. Sa wala pa gilalin si Enoc, nabatnan niya ang panghimatuod nga nakapahimuot siya sa Dios (Heb. 11:5-6); mapadayonong naglakaw si Enoc paitaas uban sa Dios adlaw ug gabii sa tulo ka siglo, nagbansay sa iyang pagtuo aron motuo nga ang Dios mao, ug nagkaduol siya sa Dios ug labi pang nausa sa Dios sa matag adlaw hangtod nga "wala na siya, kay gikuha siya sa Dios"—Gen. 5:22-24.

**V. Nag-ingon ang Roma 12:3 nga, “Dili siya mag-isip sa iyang kaugalingon labaw sa angay niyang isipon, mag-isip hinuon ingon sa mga maligdong og hunahuna, kay gibahinan man sa Dios ang tagsatagsa og sukod sa pagtuo”:**

- A. Ang pag-isip sa kaugalingon nga labaw sa angay natong isipon nga dili ligdong og hunahuna nagpawalay-pulos sa hustong han-ay sa kinabuhi sa Lawas; gihatagan ta sa Dios sa mao rang kalidad sa pagtuo apan dili sa gidaghanon; nag-agad ang gidaghanon kon giunsa nato pagtubo; kon motubo ta karon sama sa pagtubo ni apostol Pablo, modako gyod pag-ayo ang pahat sa pagtuo nga atong madawat.
- B. Gibahinan una ta sa Dios og pagtuo sa kalidad, unya giapod-apod Niya kini sa gidaghanon; nag-agad sa pagbahin sa Dios ang matang sa pagtuong naa nato; nag-agad sa pag-apod-apod sa Dios ang kadako sa pagtuong naanato .
- C. Nag-agad sa atong tinagdan ang pag-apod-apod sa Dios; kon dili ta ligdong og hunahuna (nag-isip sa kaugalingon nga labaw sa angay natong isipon, wala mag-isip sa usag usa nga labi pang maayo kaysa atong kaugalingon, ug naghunahuna nga sikinsa na ta nga balewala man unta ta), dili dugangan sa Dios ang pag-apod-apod Niya sa pagtuo kanato, ug basin kuhaan pa man ngani Niya kini—Fil. 2:2-3; Gal. 6:3; 1 Cor. 8:1-3; itandi sa Luc. 1:53; Mat. 5:3.

**VI. Ang gugma maoy labing maayong paagi nga mahimo tang bisan unsa o makabuhat og bisan unsa aron matukod ang iglesia nga organicong Lawas ni Cristo—12:31b—13:8a:**

- A. Ang gugmang gisaysay ni Pablo sa 1 Corinto 13 mao ang pagpadayag sa diosnong kinabuhi (vv. 4-8a); kon wala tay gugma, masama sa gipalanog nga agong ug nagtagingting nga piyangpiyang ang atong pagpamulong, nga nagpatingog nga walay kinabuhi (1 Cor. 13:1; 14:1, 3, 4b, 12, 31; 2 Cor. 3:6).
- B. Dili abughohan ang gugma, dili dali masuko, dili tig-isip sa daotan, motabon sa tanang butang, moagwanta sa tanang butang, molungtad sa tanang butang, ug maoy kinalabwan—1 Cor. 13:4-8, 13.
- C. Masama gyod unta ta sa Dios sa paghigugma nato sa uban, nga mahigugma sa mga tawo nga walay pagpihig (Mat. 5:43-48); ang unang giluwat ni Cristo sa pagkalansang Niya sa krus dili buotang tawo, kondili kriminal, tulisan, nga gihukman sa kamatayon; makahuloganon kaayo kini (Mat. 27:38; Luc. 23:42-43).
- D. Ang balaod sa Espiritu sa kinabuhi mao ang balaod ni Cristo nga balaod sa gugma (Rom. 8:2; Gal. 6:2-3); molihok na ngani ang balaod sa gugma sa sulod nato, awtomatiko ug diha-dayon nga mahimo tang mga magbalantay nga dunay mahigugmaon ug mapasayloong kasingkasing sa atong Amahan nga Dios ug dunay maatimanon ug mapangitaong espiritu sa atong Manluluwas nga Cristo —Juan 21:15-17; Luc. 15:3-7.
- E. Molihok na ngani ang balaod sa gugma sa sulod nato, pangabudlay sa gugma ang paghago nato diha sa Ginoo (1 Cor. 15:58; 1 Tes. 1:3) diin gisuportahan nato ang mga maluyahon (Buh. 20:35) ug gitabangan ang mga maluyahon (1 Tes. 5:14); ang mga *maluyahon* nagpasabot niadtong maluyahon sa ilang espiritu, kalag, o lawas, o maluyahon ba sa pagtuo (Rom. 14:1; 15:1).
- F. Kinabuhi sa gugmang inigsoon ang iglesihanong kinabuhi (1 Juan 4:7-8; 2 Juan 5-6; Juan 15:12, 17; Bug. 3:7; Efe. 5:2; itandi sa Judas 12a), ug nagtukod ang Lawas sa iyang kaugalingon diha sa gugma (Efe. 4:16).
- G. Espiritu sa gugma ang hinatag-sa-Dios, gipanganak pag-usab nga espiritu nato ; nagkinahanglan tag nagdilaab nga espiritu sa gugma aron mobuntog sa pagkadaot sa iglesia karon—2 Tim. 1:7.
- H. Ang pagpauna nato sa Ginoo sa tanang butang paghigugma man nato Niya sa unang gugma, sa labing maayong gugma—Col. 1:18; Bug. 2:4.
- I. “Nagpasabot ang paghigugma sa Dios nga bug-os natong gipatumong Kaniya ang tibuok natong pagkatawo—espiritu, kalag, ug lawas, lakip na ang kasingkasing, kalag, hunahuna, ug kusog (Mar. 12:30)—sa ato pa, paokupahan Niya ug mawala diha Niya ang tibuok natong pagkatawo,

aron mahimo Siyang tanan nato ug praktikal tang mausa Niya sa inadlaw natong kinabuhi”—1 Cor. 2:9, nota 3.

**VII. Ning kahibulongang pagtuo ug pinaagi ning labi kamaayong gugma sa Tulo-usang Dios, higugmaon gyod nato Siya ug ang tanang Iyaha; sa ingon niana ra mahimo tang mga mananaog nga gitawag ug gitinguhang mabatonan sa Ginoo sa Bugna 2 ug 3 diha sa sulog sa pagkadaot sa iglesia.**

© 2026 *Living Stream Ministry*